

卷之三

詩宗三昧

序

夫人身猶天地也。天地失和則宇宙爲殃。  
人身失和則四體爲病。所以主之者在天  
地。惟君。人身惟心。故心爲君主。君失其治。  
則宇宙災困。心失其養。則四體疾疢。其弭  
災困。惟相之調和燮理。治疾疢亦惟醫之  
調和燮理。故曰不爲良相。卽爲良醫。然相

失政則殘民。醫誤治則殘命。相之與醫。豈易言哉。蓋天地之九州。人身爲九竅。天地之九野。人身爲九藏。又石爲之骨。土爲之肉。江河爲血液。草木爲毫髮。道路爲脈絡。風爲氣。雨爲汗。雷爲聲。凡此則人身無不合於天地者。天地有災。莫不載聞。道路人身有疾。莫不見諸脈絡。故治疾猶要於測。


脈也。予當治邑江城署多奇疾。遘識張路  
王先生。其察脈辨證輔虛祛實應如鼓桴。  
因問之曰。人身脈絡衆多。取病何獨決兩  
腕。云。兩寸爲心肺之關隘。一身之所主。猶  
君相之都邑。天下之總會。故天下災無不  
肇於都邑。一身病無不形於兩腕也。人之  
六脈。猶廷之六部。天下刑賞與罰莫不由

此然其昂藏磊落。風論卓絕。迴越常識。其

能運天時於指掌。決生死於須臾。又非泛  
泛可及知。無經天緯地之才者。不可與言  
醫也。以之爲良相。又誰曰不可。後以脈學  
一書。索序曰。診宗三昧。予雖不知醫。觀其  
論天地陰陽之常變。山川草木之脈理。靈  
機獨發。無不貫通造化。予所云爲良相信。

然時因取召赴都。碌碌未遑諾。就今於職務瘁勞嗽疾復生。思良醫不可得。因述數語郵寄以誌仰云。

康熙己巳卽墨通家弟郭琇譏



診宗三昧目錄

宗旨

醫學

色脉

脉位

脉象

經絡

師傳

○浮

○遲

○滑

○虛

○沈

○數

○濁

○實

○弦

○洪

○緊

○長

○大

○乳

○動

○細

○牢

○促

○代

○清

○緩

○微

○弱

○短

○小

○濡

○伏

○疾

○革

○結

○敢

○濁

車中牢

軟

朱和肺注無長短方心疾  
牢清渴玄而肺堵長注  
玄為三元肺吸牢清渴  
此五相之始是

口問

問三焦命門脉

問神門脉

問衝陽太谿脉

問反關脉

問人迎氣口脉

問初診久按不同說

問病同脉異等治

問節菴從脈從證等治

問內經脉有陰陽說

問長沙高章綱牒卑損脉法

問辯聲色法

問脈沉溫補轉劇治法

遙順

異脉

婦人

嬰兒

弱人

老女

閼叔

大體

門相

門風

出門

石頑老人診宗三昧

清

長洲張

登誕先

倬飛疇 編次

以柔安世

門人鄒 岐恒 友較 訂

日本

大泉前田安宅子仁

男 典子守 再訂

宗旨

石頑老人趺坐繩牀。有弟子進問醫學宗旨。老人無然歎曰。  
崇古聖人立一善政。後世輒增一害民之事。只今僞君子之  
風。良由文字。天生民之患。咎始神丹。吾嘗縱觀萬類。無物不  
有成敗之機。人稟造化之靈。不能超乎萬類。地水火風常交。

戰於一體。雖有志者。不無疾疢之厄。一有小劇。卽從事於醫藥。往往貪生失生。深可哀憫。逮如愚下無知。罔悟前車已覆之鑑。緣是不得正命者。日以繼踵。若夫未達不敢嘗者。自古及今。能幾人哉。當世之名於醫者。有二種大病。一種藉世醫之名。絕志聖學。株守家傳。恣行削伐。不顧本元。斯皆未聞大道之故。一種棄儒業醫。徒務博覽。不卒師傳。專事溫補。極詎苦寒。斯皆不達權變之故。一種欺世盜名。藉口給之便佞。賴聲氣之交通。高車銜術。曲體趨時。日殺無辜。以充食客之腸。竭厥心力。以博妻孥之笑。斯皆地獄種子。沉淪業識之故。此三種病。非藥可除。吾今伏醫王力。運六通智。開個教外別傳。普救天孔底微妙法門。汝等若有疑團。向前執問。但須迅掃胸中積染。向白地上。從新點出個指下工夫。若能頓然超悟。

立正宗風。何慮不直接南陽先師一脉乎。

醫學

或問醫藥之書。汗牛充棟。當以何者爲先。答曰。醫林著作日繁。葛藤益甚。而識見愈卑。總皆竊取狐涎。蒐羅剩語。從無片言發自己靈者。吾故曰教外別傳。不欲汝等墮諸坑塹也。近來畱心斯道者。紛如泥沙。求其具<sup>○</sup>夙根者。卒不可得。是不得不稍借文字。以爲接引之階梯。但此奪權造化。負荷非輕。卽有真心向道。以天下生民爲已任者。入門宗派不慎。未免流入異端。向後雖遇明師檢點。頭緒決不能清。頭緒不清。審證必不能確。審證不確。下手亦無辣氣。安望其有轉日回天之勣乎。有志之士。務在光明靈樞素問。傷寒論金匱要略四經。爲醫門之正法眼藏。然皆義深辭簡。質奧難明。讀者不可隨

入作解。以障已之悟門。或遇不能透脫處。撞着銀山鐵壁。相似。於挨拶不入處。忽地頂門迸裂。自然洞若觀火。然後看古人註釋。却不仍其紕繆。直待胸中學識堅固。隨意綜覽諸家。無往非受其益。卽如劉張李朱。世推四大家。觀其立言之旨。各執一偏。河間之學。悉從岐伯病機十九條入手。故其立方。一於治熱。戴人專於撥亂除邪。上起見。故汗吐下法。信手合。輒要知二子道行西北。地氣使然之故。不可强也。東垣志在培土。以發育萬物。故常從事乎升陽。丹溪全以清理形氣爲本。故獨長於濕熱二子之道。雖皆行於東南。然一當顧肺。一當察和補瀉升沉之理。不可不隨時遷變也。在學識麤淺者。不能委悉其全。卽當因材教誨。指與個捷徑工夫。一般到家。惟脉學之言。自古至今。曾無一家可宗者。某不自揣。竊謂頗。

得其髓。惜不能力正習俗之訛。咸歸先聖一脈。是不能無愧於心。或云。夫子之道。昭乎日月。而尚有不辨明暗者。何也。曰。是某之機緣不契。亦衆生之機緣不契也。教乘。聊謂時節因緣。非可強也。吾聞佛法無邊。能度一切有情。而不能化導無緣。豈區區智力。能充幼法界。使悉歸心至教乎。今觀遊時師之門者。一皆羊質虎皮。問其所學。無非僞訣藥性等書。家絃戶誦。不過如斯。今古相仍。莫知其謬。蓋僞訣出自高陽生。昔戴起宗嘗著利誤以辟其妄。而聾聵之師。猶視以爲資生至寶者。以其編成俚語。易於習誦也。藥性賦不知出自何人。乃誣妄東垣所著。尤爲髮指。吾願祖龍有知。凡有一書處。請用從火。造福無涯矣。至於王氏脈經。全氏太素。多拾經語。溷廁雜毒於中偶。」展卷。不無金屑入眼之憾。他如紫虛四診。丹

溪指掌。嬰寧樞要。瀕湖脈學。士材正眼等。靡不稱譽於時。要皆刻舟求劍。按圖索驥之說。迨夫得心應手之妙。如風中鳥跡。水上月痕。苟非智慧辨才。烏能測識其微於一毫端上哉。只今諸方雲集。向某問個脈法大義。吾當以三昧水滌除塵見。顯示個頭頭是道底活法悟門。不涉纖微陳跡。便可言下薦機。學者毋以余言爲尚異也。要知水即是水。別傳之義。原不外乎軒岐仲景。祖祖相承之心印。但較當世所言七表八裏之法。趨舍殊途。宗旨迥乎角立耳。

色脉

或問人身四支百骸。藏府經絡諸病。皆取決於三部。究竟脈屬何類。動是何氣。而診之之法。一如古聖所言否。答言。脈本營氣所主。爲氣血之源。故能出入藏府。交通經絡。行於肯綮

之間隨氣上下鼓動。其指下發現之端。或清或濁。或小或大。或偏小偏大。雖言稟賦不同。實由性靈所發。匪可一途而取。縱古聖曲爲摩寫形象。以推陰陽寒熱之機。然亦不過立法大義。明眼之士。貴在圓機活潑。比類而推。何難見垣。一方人。益脉之顯著。雖微。而所關最鉅。其受氣在混沌未分之先。流行在胚胎方結之際。天地萬物靡不皆然。如璿璣玉衡。江海潮汐。此天地脈運之常也。白虹貫日。洪水滔天。此天地脈絡之病也。窮冬閃電。九夏雹冰。此天地氣交之亂也。天愁雨血。地震生毛。此天地非常之變也。至於夏暑冬寒。南暄北冽。乃天地陰陽之偏。人在氣交之中。脉象豈能無異。時值天地之變。診切安得不殊。試觀草木無心。其皮榦莖葉皆有脉絡貫通。以行津液。頑石無知。亦中懷脉理。以通山澤之氣。適當亢。